


Nòmber:

Grupo 5



Nos Medio Ambiente

carmabi




Tarea 1: Mapa di Kòrsou

Riba e página dilanti tin un mapa di Kòrsou. Kontestá e siguiente preguntanan:

1. Skirbi banda kada flecha kon yama e área di naturalesa.
2. Skirbi den kompas na banda drechi di e pintura e palabranan nort, ost, sùit i wèst
3. Na unda abo ta biba? Pinta un krus riba bo mapa.
4. Na unda bo skol ta? Pinta un rònchi riba bo mapa.
5. Kua área di naturalesa ta esun mas serka di bo kas? Pinta un strea riba bo mapa i skirbi e nòmber di e área di naturalesa na dje.

Tarea 2: Kiko bo sa kaba?

Traha un ret di palabra di nos isla. Skirbi tur ku bo sa kaba di nos medio ambiente. Pensa riba e palunan, matanan i e bestianan ku ta krese i biba na Kòrsou. Añadí palabra na e ret durante e kòmbersashon klasikal.



Nos medio ambiente, nos matanan

Tin hopi diferente (espesie di) mata rònt mundu. Na Kòrsou ya kaba tin 500 espesie. Tin di nan ku ta biba kaminda ta muhá. Na Seru Kristòf ta mas muhá ku na otro kaminda na Kòrsou. P'esei nos ta haña sorto di mata einan ku no ta krese na otro kaminda na Kòrsou, entre otro orkídia. Tin otro mata ku ta bai hopi bon ku sekura; pensa riba nos káktus. Tin sierto mata ku mester di hopi lus pa krese, aunke otro ta preferá un lugá den sombra.

Bo ta mira ku mata i palu mester di nan propio espasio pa nan prosperá. Nan tur ta otro i por krese riba e lugá ei so. Nan a adaptá nan bida i kresementu na un sierto manera riba un sierto lugá. Aki na Kòrsou bo ta haña mata i palu ku por ku solo, sekura i bientu hopi bon. Djis pensa riba nos káktus, e wayaká, indju i divi divi.

Kiko tur mata mester di dje?

Anto tin masha hopi diferente mata. Tur ta mustra diferente; nan ta biba i floriá otro i na diferente lugá.

Pero tin kos ku tur mata, a pesar di nan diferensianan, mester di dje. Ningun mata por biba sin lus di solo. Solo ta duna nan e energia pa nan mes traha tur materia (supstansia) ku nan mester pa biba i floresé. Pa traha e materia ei nan mester por saka awa i vitamina for di tera ku nan rais i hala rosea ku nan blachinan. Mata por traha nan propio nutrishon for di lus di solo, awa (i otro materia i vitamina ku tin den tera) i airu.



Tarea 3:

Bo a lesa e teksto riba e página anterior. Un parti di dje bo tabata sa kaba pero probablemente un parti nò. Kiko mata mester pa por biba?

- 1.
- 2.
- 3.
- 4.

Tarea 4: Bèrdat òf no bèrdat?

Bèrdat / No bèrdat	Na Kòrsou bo por haña mas ku 500 diferente espesie di mata.
Bèrdat / No bèrdat	Na Seru Kristòf ta mas seku ku na otro kaminda na Kòrsou.
Bèrdat / No bèrdat	Tur mata mester di lus di solo.
Bèrdat / No bèrdat	Káktus por ku sekura hopi bon.

Tarea 5: Pinta

Pinta un mata aki
i skirbi e siguiente
palabranan:
**rais, stèngel,
blachi, flor.**



Nos medio ambiente, nos bestianan

Kon bestia por biba na nos isla?

Meskos ku mata, nos bestianan tambe ta hopi diferente for di otro. Tin bestia ku gusta solo i ta biba riba tera seku aunke otro mester di un lugá húmedo pa biba. Al kontrali ku mata, bestia no por traha nan propio alimentashon. P'esei nan mester buska suficiente kuminda. I nan mester di otro individuo di nan espezie pa haña yu.

Mayoria di bestia ta biba kaminda nan por haña nan kuminda. Kuminda di yuana ta kosistí di blachi, flor i fruta di mata. P'esei bo ta hañ'é den un mondi será. Sapu ta kome insekto i mester di awa dushi pa pone su webu. P'esei bo ta hañ'é banda di dam òf pos òf otro kaminda ku algun humedat. Biná bo ta haña solamente na kunuku grandi i trankil ku suficiente mata i yerba pa nan por sobrebibí tempu di sekura.

Pa motibu ku tin hopi piská den laman rònt di Kòrsou, ta einan bo ta haña pelikan, gabilan piskadó i makuaku. Flamingo gusta keda den benewater trankil kaminda tin kabaron chikitu pa nan kome.

Anto tur bestia mester di:

- un kaminda pa biba;
- suficiente kuminda (mata òf bestia)
- airu (oksígeno);
- lus di solo;
- otro individuo di mesun espezie. No lubidá ku hende tambe ta un espezie di bestia. Pa nos e kosnan aki tambe ta importante. Nos no por biba si falta un di e kosnan menshoná ariba.

Tarea 6: preguntanan tokante e teksto 'nos medio ambiente, nos bestia'

Kiko bestia mester di dje pa keda na bida?

- 1.
- 2.
- 3.
- 4.
- 5.

Tarea 7: Nos bestianan

Yena aki bou mas tantu bestia ku ta biba na i rònt Kòrsou.

Kuantu bestia bo sa? Den grupo di dos bo ta repasá e bestianan di Kòrsou i bo por añaadí den kaso ku bo a lubidá un.

Kadena di alimentashon

Un kadena di alimentashon semper ta kuminsá ku un mata bèrdè. Un mata ta traha su propio alimentashon ku yudansa di awa, lus di solo i airu.

Ku su rais e mata ta saka awa for di tera. E blachinan bèrdè ta kohe e lus di solo. I dor buraku hopi fini den su blachinan, e mata por hala rosea.

Mata, manera yerba, ta kuminda pa esnan ku ta kome mata. Na Kòrsou nos konosé hopi herbívoro (komedó di mata). Nan por ta insekto manera dalakochi òf bichi. Pero tin bestia mas grandi manera nos biná di Kòrsou, kabritu i konènchi ku tambe ta herbívoro.

Pero e ta bai mas aleu. Herbívoro mes ta wòrdu komé dor di otro bestia. Bestia ku ta kome otro bestia nos yama karnívoro (komedó di karni).

Un herbívoro, manera bichi, ta kuminda pa un karnívoro, por ehèmpel un raton òf un trupial. Pero e raton i tambe e trupial mester paga bon tinu. E raton por wòrdu komé dor di un kolebra, i e kolebra por ta kuminda pa un kinikini òf un warwara.

Asina tur mata i bestia ta konektá ku otro. Huntu nan ta forma un kadena di bestia ku ta kome i, ku na nan turno, ta wòrdu komé. Huntu nan ta forma un kadena ku yama kadena di alimentashon. Kada kadena di alimentashon ta kuminsá ku un mata.



Ya nos a mira ku mata mester di bestia tambe; pensa riba e mèst di bestia. Ora bestia i mata muri, otro bestia, manera por ehèmpel muskita òf warawara, ta deshasí di e restunan.

Tur materia den naturalesa kada bes ta wòrdu usá di nobo. Den naturalesa nada ta bai pèrdí. Tur kos ta parti di e sírkulo di bida.

Asina bo ta mira ku bestia mester di mata, pero ku mata mester di bestia tambe. Pa despues tur kos kuminsá di nobo atrobe.

Tarea 8: E kadena di alimentashon

Les e teksto atrobe ku tinu. Bo por pinta un kadena di alimentashon den sekuensia korekto?

Karnívoro:



Karnívoro:



Herbívoru:



Mata:

Tarea 9: Buska palabra

Abou di e pùzel tin 15 palabra ku tin di haber ku nos isla speshal, manera Daabooi. E palabranan aki bo por haña den e pùzel. Buska nan i hala un strepi dor di nan.

W	B	W	R	G	M	O	S	E	B	I	T	F	Q	H	M	N	R
L	T	H	M	M	I	O	C	B	K	C	N	U	S	P	W	A	C
W	Q	X	R	T	B	U	N	A	E	F	D	Q	O	G	W	K	U
W	R	E	T	B	R	D	K	D	F	R	J	D	M	S	N	I	M
G	O	X	V	A	G	T	I	J	I	J	T	P	B	E	A	L	X
I	G	M	Ç	U	U	Z	J	D	I	T	S	F	R	S	N	E	J
W	M	A	N	S	P	U	L	R	L	H	H	V	A	G	A	P	U
O	O	A	R	A	W	A	R	A	W	W	C	R	P	Q	R	E	T
Y	I	V	I	D	I	V	I	D	F	O	S	N	L	J	A	E	I
Y	P	Q	F	Y	E	O	N	Q	W	Q	F	L	E	L	P	X	R
P	D	F	O	T	S	I	R	K	E	K	R	A	P	L	U	E	B
U	Y	V	Y	J	N	A	T	U	R	A	L	E	S	A	B	K	A
A	X	J	I	U	P	W	A	S	C	F	W	R	O	F	U	A	K
F	T	X	R	L	V	U	N	A	N	U	L	A	P	M	N	I	O
C	E	M	G	W	P	S	Y	N	U	N	O	O	I	O	P	M	Y
M	P	K	Q	A	K	R	T	W	M	I	H	N	S	S	I	X	Q
M	S	G	S	H	D	T	L	X	F	K	D	E	X	W	C	M	O
W	H	M	N	J	R	O	N	V	D	A	V	X	C	F	U	Y	K

- BLENCHI
- KABRITU
- MONDI
- PARANAN
- SAPU
- CURAÇAO
- KAKTUS
- NATURALESA
- PARKEKRISTOF
- SOMBRA
- DIVIDIVI
- KUMINDA
- PALUNAN
- PELIKAN
- WARAWARA

Tarea 10: sòm di redaksi

1. Samuel ta konta bestia. Djaluna e ta konta 20 bestia, djamars e ta konta 15 bestia i riba djárason 18 bestia. Kuantu bestia el a konta na tur?
..... bestia
2. Mateo i Celina ta traha den kurá. Hopi koko a kai for di e palu. Celina tin 6 koko i Mateo tin 3 bes mas tantu. Kuantu koko Mateo tin?
..... koko
3. Mener Kylian ta bai Parke Kristòf ku su klas. E ta traha grupito di 4 mucha. E klas ta konta 28 mucha. Kuantu grupo mener Kylian por traha?
..... grupito
4. E galiñanan di mener Dacilva a pone 350 webu. E kampesino ta paketá nan den kaha di 10. Kuantu kaha e por yena?
..... kaha
6. E kurá di Leon tin un hanchura di 5 meter. Kuantu sèntimeter esei ta?
..... sèntimeter
7. 5 Mucha tin 25 florin huntu. Nan ta kumpra un karchi di entrada pa e parke nashonal di Sheta Boka. E sèn ta yega nèt. Kuantu kada karchi tabata kosta?
..... florin
8. Tin un biná ku ta pisa 42 kilo i un otro ta pisa 49 kilo. Kuantu kilo nan tin huntu?
..... kilo